



Canllaw Grant Dysgu Llywodraeth Cymru Addysg Bellach 2019/20

Fe wnaiff y canllaw eich hysbysu am
bopeth mae angen i chi ei wybod.

www.cyllidmyfyrwyr.cymru.co.uk/gdlcab

Beth yw Grant Dysgu Llywodraeth Cymru Addysg Bellach?

Mae'n darparu arian i helpu talu costau eich addysg os ydych yn 19 mlwydd oed neu'n hŷn. Os ydych yn astudio cwrs amser llawn, gallech gael taliadau gwerth hyd at £1,500 y flwyddyn, neu os ydych yn astudio cwrs rhan-amser, gallech gael hyd at £750 y flwyddyn.

Pwy all gael y grant?

Mae angen i chi gyflawni'r gofynion canlynol i gael y grant:

Oedran

I gael y grant hwn, rhaid i chi fod yn 19 mlwydd oed neu'n hŷn, felly yn achos blwyddyn academiaidd 2019/20, rhaid i chi fod yn 19 mlwydd oed neu'n hŷn ar 1 Medi 2019.

Cwrs

Rhaid i chi fod yn astudio ar gwrs cymwys. Mae cyrsiau cymwys yn cynnwys:

- TGAU
- Safon Uwch neu Uwch Atodol
- BTEC, GNVQ, NVQ
- Cyrsiau Sgiliau Sylfaenol

Nid yw cyrsiau ar lefel 4 ac uwch yn gymwys. Gall eich ysgol neu eich coleg ddweud wrthyhych a yw eich cwrs yn gymwys.

Cenedligrwydd a Phreswylfa

Os ydych yn un o ddinasyddion y DU ac yn byw yng Nghymru, dylech fod yn gymwys i gael Grant Dysgu Llywodraeth Cymru Addysg Bellach.

Os nad ydych yn ddinesydd y DU, efallai eich bod yn dal yn gymwys. Trowch at www.cyllidmyfyrwrcymru.co.uk/gdllicab i gael rhagor o wybodaeth.

Gadawyr Gofal

Os ydych yn rhywun sy'n gadael gofal ac yn bodloni'r gofynion uchod, gallech fod yn gymwys i gael Grant Dysgu Llywodraeth Cymru Addysg Bellach.

Incw m eich cartref

Dylai incwm eich cartref fod yn £18,370 neu'n llai er mwyn gallu cael y grant hwn.

Os ydych yn byw gyda'ch rhiant neu rieni, mae hyn yn seiliedig ar eu hincwm cyfunol hwy.

Os nad ydych yn byw gyda'ch rhiant neu rieni, mae hyn yn seiliedig ar eich incwm chi.

Os ydych chi'n byw gyda'ch partner mae hyn yn seiliedig ar yr uchaf o'ch incwm chi neu'ch partner.

Os ydych chi'n rywun sy'n gadael gofal, fydd dim angen i chi roi unrhyw fanylion ariannol i ni.

Faint allwn i gael?

Dengys y tabl isod faint allech chi gael ar sail incwm eich cartref a nifer yr oriau y byddwch yn astudio.

Incwm Eich Cartref	Hawl	
	Astudio cwrs rhan-amser (rhwng 275 a 499 awr)	Astudio cwrs amser llawn (500 awr neu ragor)
£0 - £6,120	£750	£1,500
£6,121 - £12,235	£450	£750
£12,236 - £18,370	£300	£450
£18,371 neu ragor	£0	£0

Os yw incwm eich cartref yn £18,371 neu ragor, neu os byddwch yn astudio llai na 275 awr, ni fyddwch yn gallu cael y grant hwn.

3 cam hawdd i gael eich grant

1

Byddwch yn llenwi a dychwelyd eich cais.

Cofiwch dalu'r tâl post cywir a chael prawf bod taliad wedi'i wneud.

Byddwn yn asesu eich cais ac yn anfon llythyr Dyfarnu Dros Dro atoch.

Os bydd eich cais yn llwyddiannus, bydd hyn yn dangos faint allech chi ei gael.

2

Rydych yn llofnodi Cytundeb AB GDLIC.

Unwaith y byddwch yn derbyn eich llythyr Dyfarniad Dros Dro, mae angen i chi llofnodi Cytundeb AB GDLIC yn eich ysgol neu goleg.

Byddwn yn anfon llythyr Dyfarnu Terfynol atoch.

Pan fydd eich ysgol neu goleg yn rhoi gwybod i ni eich bod wedi llofnodi'ch Cytundeb AB GDLIC, bydd eich llythyr Dyfarniad Terfynol yn dweud faint fyddwch chi'n ei gael.

3

Byddwch yn mynychu eich cwrs a thelir yr arian i chi.

A ydych eisoes yn cael Grant Dysgu Llywodraeth Cymru Addysg Bellach?

Nid oes angen i chi wneud dim. Byddwn yn cysylltu â chi yn y gwanwyn ynghylch eich grant am y cyfnod 2019/20.

Cam 1 – Ymgeisio

Pryd ddylwn i ymgeisio?

Byddwch yn gallu ymgeisio yng ngwanwyn 2019. Cadwch lygad ar y wefan am ragor o wybodaeth yn nes at yr amser hwnnw. Dylech anfon eich cais wedi'i lenwi cyn gynted ag y gallwch, ac mor fuan ag y gallwch cyn dyddiad cychwyn eich cwrs.

Sut allaf i ymgeisio?

Mae angen i chi lenwi ffurflen gais. Bydd ffurflenni ar gael yn eich ysgol neu goleg, neu ar-lein yn www.cyllidmyfyrwrycymru.co.uk/gdllicab

Dyddiad cwblhau terfynol

Rhaid i ni gael eich cais wedi'i lenwi o fewn 9 mis ar ôl i'ch cwrs gychwyn.

A fydd angen i mi anfon unrhyw beth gyda fy nghais?

Fel rhan o'ch cais, bydd angen i chi anfon y rhain atom:

- tystiolaeth o'ch hunaniaeth
- tystiolaeth o'ch cyfeiriad

Yn dibynnu ar eich sefyllfa bersonol, efallai bydd rhaid i chi anfon dogfennau ychwanegol hefyd, ond bydd y ffurflen gais yn dweud wrthyfych beth yn union ddylech chi ei anfon.

Allaf i wneud cais os nad oes gennyf y dogfennau hyn?

Gallwch. Gallwch anfon eich cais atom heb y dogfennau hyn. Trwy wneud hyn, gallwn gychwyn prosesu eich cais ynghynt, ond ni fyddwn yn gallwn eich talu. Byddwn yn cylltlu â chi i gael y dogfennau y bydd arnom eu hangen ar ôl i chi ymgeisio.

Cam 2 – Eich Cytundeb AB GDLIC

Dyma gytundeb rhyngoch chi a'ch ysgol neu goleg. Bydd yn manylu'r gofynion o ran presenoldeb a'r amcanion dysgu y bydd angen i chi eu cyflawni yn ystod eich cwrs i gael eich grant bob tymor.

Mae eich Cytundeb AB GDLIC yn unigryw i chi felly unwaith y byddwch wedi ymgeisio a chael eich llythyr Dyfarniad Dros Dro, dylech siarad gyda'ch ysgol neu goleg i drefnu a llofnodi eich cytundeb.

Cam 3 – Cael taliad

Os byddwch yn mynychu'n unol â'r hyn a gytunwyd, cewch daliad unwaith bob tymor, yn uniongyrchol i'ch cyfrif banc, cymdeithas adeiladu neu undeb credyd. Bydd angen i chi sicrhau fod gennym fanylion diweddaraf eich cyfrif, neu ni fyddwn yn gallu eich talu.

Beth os bydd fy amgylchiadau'n newid?

Bydd angen i chi'n hysbysu'n syth os bydd unrhyw un o'ch manylion yn newid, yn cynnwys:

- Os bydd manylion eich cyfrif banc, cymdeithas adeiladu neu undeb credyd yn newid
- Os bydd eich manylion cyswllt yn newid
- Os bydd incwm eich cartref yn newid
- Os byddwch yn newid ysgol neu goleg

Sut allaf i gysylltu â chi?

Gallwch ein ffonio ar **0300 200 4050** neu cysylltwch â ni drwy Minicom ar **0300 100 1693**.

Ein horiau agor yw dydd Llun i ddydd Gwener 8am hyd 6pm


Ysgrifennwch at y tîm gwasanaeth cwsmeriaid yn:

Student Finance Wales
FE Customer Services
PO Box 5597
Glasgow
G52 9BS

Fformatau eraill

Fformatau eraill

Gallwch gael copïau o'n ffurflenni a'n canllawiau ar ffurfiau Braille, print bras neu sain. Gallwch ofyn am y rhain trwy e-bostio eich enw, cyfeiriad a manylion y fformat y mae ei angen arnoch at brailleandlargefonts@slc.co.uk neu ffoniwch **0141 243 3686**.



I gael yr wybodaeth ddiweddaraf a diweddariadau ynghylch y Grant Dysgu Llywodraeth Cymru ar gyfer Addysg Bellach ewch i'n gwefan:

www.cyllidmyfyrwycymru.co.uk/gdllcab